

POZIV ZA MLADE KNJIŽEVNE KRITIČARE/KE, KOLUMNISTE/ICE, NOVINARE/KE I STUDENTE/ICE

Povodom Drugog internacionalnog festivala književnosti Bookstan, koji se održava od 4. do 7. jula 2017. godine, izdavačka kuća Buybook u suradnji s Akademijom likovnih umjetnosti priređuje edukativno-kritičku *Malu školu pisanja i mišljenja* koja će trajati od 1. do 7. jula 2017. godine. Prijave za sudjelovanje šalju se na e-mail adresu radionica@buybook.ba do **5. juna 2017.** i trebaju sadržavati **biografiju** i **dva autorska rada** iz oblasti književne kritike, esejistike, znanstvene publicistike, a u obzir dolaze i stručni i naučni radovi, te književne i/ili novinarske kolumne. Poziv je namijenjen studentima/cama i književno-umjetničkim kritičarima/kama koji žive ili studiraju u Bosni i Hercegovini. Na poziv se mogu prijaviti mladi od 18 do 30 godina koji aktivno govore engleski jezik, uz napomenu da prošlogodišnji polaznici radionice nemaju pravo prijave.


Zadaci za **kandidate koji prođu selekciju** bit će podijeljeni u tri segmenta:

Prva faza je pisanje teksta koji se treba dostaviti do 20. juna, a zadatak će biti naveden u pozivnom pismu.

Druga faza podrazumijevat će zadatke koji se tiču praćenja događaja Festivala; navedeni tekstovi bit će objavljeni na društvenim mrežama i web-stranicama Buybooka i Bookstana.

Treća faza je pohađanje predavanja i radionica sa uglednim predavačima u vrijeme trajanja programa.

Predavači *Male škole pisanja i mišljenja* su: Ćurak Nerzuk, Devčić Karmela, Freeman John, Haverić Tarik, Ivančić Viktor, Kalinić Jelena, Kebo Ozren, Rizvanović Nenad i Gordić Petković Vladislava.



Stručni žiri odabrat će 20 polaznika/ca programa kojima će po realizaciji zadatka biti dodijeljena priznanja, a najboljima i nagrade.

Za vrijeme trajanja programa, Buybook će polaznicima koji ne dolaze iz Sarajeva obezbijediti smještaj u hostelu, hranu, te refundirati troškove autobuske karte.

Svi odabrani učesnici/e obavezni su da prisustvuju cijelom programu u trajanju od 1. do 7. jula 2017. godine.

Nepotpune prijave neće biti razmatrane. Zvanične potvrde učešća poslat ćemo odabranim kandidatima najkasnije do **12. juna 2017.** godine, uz detaljan program rada i potrebne logističke informacije.

Sretno svima.
Srdačan pozdrav!